

Na osnovu člana 60. stav (1) tačka d), a u vezi sa članom 98. stav (9) Zakona o visokom obrazovanju („Službene novine Tuzlanskog kantona“, br. 7/16, 10/16, 5/17, 15/17) i člana 179. stav (5) Statuta JU Univerzitet u Tuzli, Senat Univerziteta na sjednici održanoj 12.06.2019. godine donio je

## **ODLUKU**

### **o izmjenama i dopunama Pravila i procedura za prijem i upis studenata u prvu godinu prvog i integriranog prvog i drugog ciklusa studija na Univerzitetu u Tuzli**

#### **Član 1.**

U Pravilima i procedurama za prijem i upis studenata u prvu godinu prvog i integriranog prvog i drugog ciklusa studija na Univerzitetu u Tuzli, br. 03-2490-2/17 od 21. 04. 2017. godine i broj: 03-3120-2.1/18 od 30. 05. 2018. godine, u članu 22. iza stava (1) dodaju se novi stavovi (2) i (3) koji glase:

(2) Ukoliko kandidati primjenom svih kriterija iz stava (1) ovog člana ostvare jednak broj bodova, prednost pri rangiranju, shodno članu 98. stav (9) Zakona o visokom obrazovanju („Službene novine Tuzlanskog kantona“, br. 7/16, 10/16, 5/17, 15/17) ima kandidat koji je polagao eksternu maturu.

(3) Ukoliko, primjenom stava (2) ovog člana, kandidati ostvare jednak broj bodova, prednost pri rangiranju ima kandidat koji je na eksternoj maturi ostvario bolji rezultat.“

Dosadašnji stavovi (2) do (4) postaju stavovi (4) do (6).

#### **Član 2.**

Član 23 mijenja se i glasi:

(1) Pod jednakim uslovima (u slučaju ostvarenog istog broja bodova), a primjenom kriterija iz člana 22. ovih Pravila i procedura, prioritet pri upisu imaju lica iz člana 19. Zakona o dopunskim pravima boraca i članova njihovih porodica („Sl. Novine TK“, broj 5/12, 5/14 i 12/16) pod uslovom da su uz prijavu na konkurs dokumentovali pripadnost toj kategoriji.

(2) Rang lista primljenih kandidata, u skladu sa Odlukom o odobrenom broju upisanih studenata, sadrži pregled kandidata koji su ostvarili pravo na upis uz finansiranje iz Budžeta Kantona i pregled kandidata koji se sami finansiraju (plaćaju školarinu), rangiranih prema ukupno ostarenim najvećim brojem bodova.“

#### **Član 3.**

Ova Odluka stupa na snagu danom donošenja, a primjenjivat će se za generaciju studenata upisanu u prvu godinu prvog i integriranog prvog i drugog ciklusa studija na Univerzitetu u Tuzli u akademskoj 2019/2020. godini.

Predsjedavajući Senata

Dr.sc. Nermina Hadžigrahić

Broj: 03-3062-2.1/19

Tuzla, 12.06.2019. godine